

**Mbete kí dɔsɔy kí
Jɔ
ndàngí
Ta-je kí dɔ mbete-ti kí dɔsɔy
kí Jɔ ndàngí**

Njèkɔwkułə Jɔ ndàngí mbete kin kɔ ra-né kì njèkadmeɛ-je meɛ kuwə-ti kí d'uwə-nɔ lubi-lubi kì Lubə rəm, d'uwə-nɔ lubi-lubi kì ngankɔ-dé-je, kì kɔnan-dé-je meɛ kadmeɛ-ti rəm. Mbete kinlé, kúji ndàngí-é tò gay kì ndəgi mbete-je, ngà ta kí njèndàngí-é panè: «Səi» kin rəm, ta kí ɛ panè: «Ngan-m-je kí ndɛ» kinlé toji kí njèndàngí mbete kinlé ndàngí adi dow-je madi ya tagay. Mbete kinlé, ri njèndàngí-é goto meɛ-é-ti, ngà ɛ toji rɔ-é lo kɔr-é-ti kí 1:1 ki dow kí oo Jeju kaglo-ti kí Jeju isi-né dɔnangi-ti nè. Mbete kinlé kúji ndàngí-é rəm, mbete Poyta-je kí káre rəm, ya toji kí njèndàngí-é to Jɔ kí to kí káre dan njéndó né-je-ti lə Jeju kí dɔgi gidi-é joo kí njèndàngí mbete Poyta kí Maji kí ri Jɔ tò dɔ-ti. Dow-je kí Jɔ ndàngí mbete adi-dé bá ba-dé «ngan-je kí ndɛ» kinlé, to njèkadmeɛ-je kí ɛ ndigi-dé nɔ. Dɛ 'to njèkəwnɔ-je kí gay-gay kí d'isi kɔbe-ti lə dow-je kí Rəm, dɔnangi Aji-ti kí ngon-é kí bone bè 'ba-é Turki. Jɔ to njèkɔr nɔ-dé kaglo-ti kí nɔy nɔ al kadi oy-né. Jɔ panè: Lubə to londógi ('Ndó 1:5) rəm, to njèndigi dow-je rəm (4:8,16). Londógi toji ta kì togrɔ-ti. Meɛ kəy mbete-ti kí dɔsɔy kí Jɔ ndàngí

lé, e ɔsi kagi dɔ maji-ti kɪ maji kadi dow gə ndógi læ ta kɪ tɔgrɔ-ti, ə kadi panjiyə-é ɔw nati siə kɔɔ kadi dowbé a mɛɛ kuwə-nə lubi-lubi-ti kɪ Lubə rəm, kɪ njəkadmɛɛ-je kɪ rangi rəm. Beba à ra kadi de kɪ 'to njəkadmɛɛ-je d'usi-né mɛɛ majal-ti kɔɔ néndó-je kɪ ngɔm læ njəkosi ta Kristi kin al ('Ndó 2:18-23). Mɛɛ kəy mbete-ti kɪ njəkungi-ti joo kɪ Ja ndangi lé, e ɔsi kagi dɔ ndigi dow-je-ti kɪ e bá to gin kuwə-nə lubi-lubi kinlé.

Kulə gin ta

Ja 1:1-14

¹ †Né kɪ tò lo kulə gin-é-ti nu, né kɪ j'oo ta-é kɪ mbi-ji, né kɪ j'oo kɪ kəm-ji, né kɪ j'tən joo maji-é bá j'odi rɔ kɪ ji-ji rəm lé, to né kɪ sobi dɔ ta kɪ njəkadi dow-je d'isi kəm;

² †ə kiskəm lé, tɔji rɔ-é ndaa-ti rəsi adi j'oo kɪ kəm-ji, j'pa ta-é j'adi dow-je; kiskəm kɪ sarta-gangi kɪ isi nati kɪ Bobi-ji bá tɔji rɔ-é ndaa-ti rəsi ta kəm-ji-ti lé bá, j'ilə mbe-é j'adi-si.

³ Né kɪ j'oo ta-é kɪ mbi-ji ə kəm-ji oo rəm lé, bá j'ilə mbe-é j'adi-si, kɔɔ kadi səi kàrè adi j'uwəi-né-nə lubi-lubi tɔ. Ə kuwə-nə lubi-lubi læ-ji lé, to kuwə-nə lubi-lubi kɪ Bobi-ji rəm, bá to kuwə-nə lubi-lubi kɪ Ngon-é Jeju Kristi rəm tɔ.

⁴ Ta kinlé, j'ndangi j'adi-si kɔɔ kadi rɔnəl læ-ji ɔr-né njuti.

Njiyə lo kɪ ndógi-ti

⁵ Ta kɪ j'oo ta Jeju Kristi-ti bá j'ow kɪ kidə-si tin: Lubə to londógi, lo kɪ ndul goto rɔ-é-ti.

⁶ Kinə j'painè j'uwəi-na lubi-lubi siə ya bá j'njiyəi lo kí ndul-ti bəy rəmə, j'ədi ta ki kədi bi j'rai né kí ɔw nati kə ta kí tɔgrɔ-ti al.

⁷ Ngà kinə j'njiyəi lo kí ndógi-ti titi kí Lubə ya kə dɔ-é isi-né lo kí ndógi-ti kin bè rəmə, j'toi dow-je kí j'uwəi-na lubi-lubi rəm, bá məsi Ngon-é Jeju bɔr majal-je lə-ji kɔgi lay rəm tɔ.

⁸ Kinə j'painè j'rai majal al rəmə, jəi ya j'ədi rɔ-ji ə ta kí tɔgrɔ-ti goto ta-ji-ti.

⁹ Ə kinə j'ɔri man dɔ majal-je-ti lə-ji rəsi tɔ rəmə, ɛ to njékə dɔ ndi-é-ti rəm, njèra né kí njururu rəm, adi à kinə go majal-je lə-ji lé kɔgi rəm, bá né-je kí njururu al kí j'rai kàrè à bɔr kɔgi lay rəm tɔ.

¹⁰ Ngà kinə j'painè j'rai majal al rəmə, j'bai-é njəkəɗta rəm, bá ta liə kàrè goto mɛɛ-ji-ti rəm tɔ.

2

¹ Ngan-m-je, m'ndàngi ta kin m'adi-si kɔɔ kadi 'rai majal al. Ngà kinə dow madi ra majal rəmə, njèpata gangi-né dɔ-ji rɔ Bɔbi-ji-ti isi nɔɔ, to Jeju Kristi kí to dow kí njururu.

² Jeju Kristi lé, ɛ ya kə dɔ-é ilə rɔ-é kadkare-ti oy kɔɔ majal-je lə-ji; ɛ oy kɔɔ majal-je lə-ji jəi ya par al, ngà kɔɔ majal-je lə dow-je lay kí dɔnangi-ti nè tɔ.

*Təl rɔ go ta-ti lə Lubə kə ndigna
Mat 7:21-23; Jà 13:34,35; 14:21-24*

³ Né kí j'gəi-né kí j'gəi Lubə lé, to təl kí j'təli rɔ-ji go ndukun-je-ti liə.

⁴ Dow kí panè n'gə-é ya bá təl rɔ-é go ndukun-je-ti liə al lé, to njəkəɗta ə ta kí tɔgrɔ-ti goto ta-é-ti.

⁵ Ngà dow kí təl rɔ-é go ta-ti lə Lubə lé, dowbé ndigi-é adi ɔr njuti. Né kí j'gəi-né kí j'toi dow-je kí j'nami kàdì-é-ti ɔn:

⁶ Dow kí pa rəsi panè n'nam kàdì-é-ti lé, dowbé à kadi panjiyə-é tanə kì panjiyə 'Babe ya bè tɔ.

⁷ †Səi kí m'ində-si dan kəm-m-ti, to ndukun kí sigi bá m'ndàngi m'adi-si al, ngà to ndukun kí low kí ingəi lo kulə gin-é-ti* kin ya; ndukun kí low kinlé, to ta kí ooi kete kin ya.

⁸ Rəm bá to ndukun kí sigi kí m'ndàngi m'adi-si ya rəm; ta kinlé, to ta kí tɔgrɔ-ti, kdɔ tɔji rɔ-é rɔ Kristi-ti rəm, tɔji rɔ-é rɔ-si-ti rəm; kdɔtalə londul goto ə londógi kí tɔgrɔ-ti bá isi ndógi ngá.

⁹ Dow kí ɔsi ngonkɔ-é kì ta ya rəmə ɓa rɔ-é njəkisi lo kí ndógi-ti lé, to dow kí isi lo kí ndul-ti ya ɓəy.

¹⁰ Dow kí ndigi ngonkɔ-é lé, to dow kí isi lo kí ndógi-ti ə né kí à ra-é kadi usi ya goto.

¹¹ Ngà dow kí ɔsi ngonkɔ-é kì ta lé, to dow kí isi lo kí ndul-ti; dowbé njiyə lo kí ndul-ti ə gə lo kí isi ɔw-ti al, kdɔtalə londul kəm-é-ti ndi-ndi.

¹² M'ndàngi ta-je kin m'adi-si səi ngan-m-je, kdɔtalə majal-je lə-si tokì kinə go-é kɔgi kì takul Jeju Kristi.

¹³ M'ndàngi ta-je kin m'adi-si səi ɓɓi ngan-je, kdɔtalə njəkisi lo kulə gin-é-ti lé, səi 'gəi-é.

† 2:7 2:7 Ja 13:34 * 2:7 2:7 Ta kinlé ɔɓi ɗo kulə gin kadmɛɛ lə-dé.

M'ndàngi ta-je kin m'adi-si sǎi ngan-je kí rɔ-si tò
kəm,

kdɔtalə sǎi 'təti rɔ Njèmɛɛndul.

M'ndàngi ta-je kin m'adi-si sǎi ngan-je,

kdɔtalə sǎi 'gəi Bɔbi-si.

¹⁴ M'ndàngi ta-je kin m'adi-si sǎi bɔbi ngan-je,

kdɔtalə sǎi 'gəi njèkisi lo kulə gin-é-ti nɔ.

M'ndàngi ta-je kin m'adi-si sǎi ngan-je kí rɔ-si tò
kəm,

kdɔtalə sǎi lé tɔgi-si tò rəm, ta lə Lubə uwə lo
kisi mɛɛ-si-ti rəm,

bá sǎi 'təti rɔ Njèmɛɛndul rəm tɔ.

¹⁵ Adi bo duniṅa ra-si al rəm, bá adi bo né-je
kí duniṅa-ti ra-si al rəm tɔ. Kinə bo ra duniṅa ra
dow rəmə, dowbé ndigi Bɔbi-ji Lubə al.

¹⁶ Kdɔtalə né-je lay kí duniṅa-ti kí to, kəmnda
né kí ra dow-je, kì né-je kí nəl kəm dow-je, kì
kində kàdì kɔ nékingə-je kinlé, to né-je kí ì rɔ
Bɔbi-ji Lubə-ti al, ngà ì duniṅa-ti nè.

¹⁷ Ə duniṅa à goto rəm, bá kəmnda né-je kí titi
kàrè à goto rəm tɔ; ngà dow kí njèra né kí mɛɛ
Lubə ndigi lé isi kəm ya sartagangi.

Ta kí sɔbi dɔ njèkɔsi ta Kristi

Jǎ 16:13-15

¹⁸ Ngan-je, to kaglo kí dɔbəy ndɔ-je-ti ngá; titi
kí ooi-né 'panè njèkɔsi ta Kristi à ree lé, ooi, bone
bè kin njèkɔsi ta Kristi 'nɔ ngá, ə gangi-é kin ya
j'gəi-né kí to kaglo kí dɔbəy ndɔ-ti lé ngá.

¹⁹ Njèkɔsi ta Kristi lé, 'tɛɛ dan-ji-ti nè ya d'ɔw,
ngà to bá 'to 'lə-ji al; kdɔtalə kinə 'to 'lə-ji rəmə
lé d'a kisi sə-ji; ngà kinə kí d'inə-ji d'ɔw kinlé ya

toji ndaa-ti rəsi kǐ dow-je lay kin ya 'to 'lə-ji dorɔ al.

²⁰ Səi rəmə, njəkəa njay adi-si Ndil-é† adi səi lay ya 'gəi ta kǐ togrɔ-ti.

²¹ Gə bǎ səi 'gəi ta kǐ togrɔ-ti al bǎ m'ndangi-né ta-je kin m'adi-si kɔɔ al; ngà m'ndangi m'adi-si kɔɔtalə səi 'gəi ta kǐ togrɔ-ti rəm, bǎ 'gəi kǐ takədi kǎre ya kàrè à kǐ rɔ ta kǐ togrɔ-ti-ti al rəm to.

²² Nǎ bǎ to njəkəɔta ta wa? Dow kǐ njənaji panè Jeju to Kristi‡ al lé, bǎ to njəkəɔta ya al wa? Dowbé kinlé to njəkɔsi ta Kristi, kɔɔ ɛ naji panè n'gə Bɔbi-ji al rəm, n'gə Ngon-é al rəm.

²³ Dow kǐ rá-rá kǐ naji panè n'gə Ngon lə Lubə al rəmə, dowbé gə Bɔbi-é al ya to; dow kǐ pa ta rəsi panè: Jeju to Ngon lə Lubə rəmə, dowbé gə Bɔbi-é to.

²⁴ Səi rəmə, ta kǐ ooi lo kulə gin-é-ti nɔ lé, adi ta-é ra be mɛɛ-si-ti. Kinə ta kǐ ooi lo kulə gin-é-ti nɔ kin ra be mɛɛ-si-ti rəmə, səi kàrè a nami kàdi Ngon lə Lubə-ti rəm, a nami kàdi Bɔbi-é-ti rəm.

²⁵ Ə kunmindi kǐ Lubə un adi-ji lé, to kunmindi kǐ sɔbi dɔ kiskəm kǐ sartangani.

²⁶ Ta lə dow-je kǐ 'ndigi kədi-si kur-si wale lé bǎ m'ndangi m'adi-si tin.

²⁷ Səi rəmə, Ndil* Lubə kǐ Kristi adi-si lé, tò mɛɛ-si-ti adi ɔwi ndoo kadi dow ndó-si né al‡;

† **2:20 2:20 Ubi** kin toji Ndil kǐ aa njay kǐ Jeju adi dow-je kǐ d'adi-é mɛɛ-dé. ‡ **2:22 2:22 Kristi** lé kɔr mɛɛ-é to dow kǐ Lubə mbəti-é.

§ **2:24 2:24** Ta kinlé sɔbi dɔ kulə gin kadmɛɛ lə-dé. * **2:27 2:27 Ndil** kinlé, to ta kǐ kǎre-rè kǐ ta lə ubi kǐ ta-é tò lo ndó-é-ti kǐ mɛɛ 1Jǎ 2:20 † **2:27 2:27** Ta kinlé to ta lə mbati néndó-je lay al, ngà to ta kǐ sɔbi dɔ njéndó dow-je né-je kǐ ngom.

ngà titi kí Ndil kí ẹ adi-si ndó-si-né né-je lay, ọ ẹ to njèta kí tɔgrɔ-ti bi to njèkɔdta al lé, ẹi mee ta-ti liə titi kí ẹ ndó-si-né‡.

Ta kí sɔbi dɔ ngan lə Lubə

Rɔm 8:14-19

²⁸ Ngan-m-je kí nde, beba, 'nami kàdì Kristi-ti kɔ kadi ndo kí à tɛ tɔji-né rɔ-é ndaa-ti rəsi lé, mee-ji nda kay rəm, bá kadi ndo ree-é-ti kàrè rɔ-ji sɔl-ji takəm-é-ti al rəm tɔ.

²⁹ Kinə 'gəi kí Kristi to dow kí njururu rəmə, kadi 'gəi kí dow kí rá-rá kí to njèra né kí njururu lé, to dow kí Kristi oji-é.

3

¹ †Ooi ndigi kí Bɔbi-ji Lubə ndigi-ji mbing ya adi 'ba-ji ngan lə Lubə kin! Ọ j'toi ngan lə Lubə lé ya rəm tɔ. Dow-je kí donangi-ti nè lé, 'gə-ji al, kɔ gə kí de 'gə Lubə al tɔ.

² Səi kí m'ində-si dan kəm-m-ti, bone bè kinlé j'toi ngan lə Lubə ọ né kí j'a toi lé, tɔji rɔ-é ndaa-ti rəsi takəm dow-je-ti al bəy; ngà j'gəi kí ndo-é kí Kristi à tɔji rɔ-é ndaa-ti rəsi takəm dow-je-ti lé, j'a titi-nɔ siə bè, kɔ j'a kooi daji rɔ-é kì kəm-ji.

³ Dow kí rá-rá kí ɔw kì nékində mee dɔ-ti kí bè kin rəmə, dowbé adi panjiyə-é aa njay titi kí 'Babe aa-né njay kin bè tɔ.

⁴ Dow kí rá-rá kí ra majal lé, al dɔ ndukun tɔ; kɔdɔtalə majal kí ra lé to kal dɔ ndukun.

⁵ †Səi 'gəi kí 'Babe ree kɔ bɔr majal-je lə dow-je kɔgi ọ ẹ ra majal nja káre al.

‡ 2:27 2:27 Ja 16:13-15 † 3:1 3:1 Ja 1:12 † 3:5 3:5 Ja 1:29

⁶ Dow kí rá-rá kí nam kàdì-é-ti lé, à kisi ká ra majal-ti al; ə dow kí rá-rá kí isi ká ra majal-ti rəmə, to dow kí oo-é al rəm, bá gə-é al rəm.

⁷ Ngan-je, adi dow ədi-si al. Dow kí njèra né kí njururu lé, to dow kí njururu titi kí 'Babe to-né dow kí njururu kin bè.

⁸ Dow kí isi ká ra majal-ti lé, to dow lə Sú, kdɔtalə Sú ra majal lo kulə gin-é-ti nɔ. Ngon lə Lubə ree kdɔ tuji kullə-je lə Sú kɔgi.

⁹ Dow kí rá-rá kí Lubə oji-é lé, à kisi ká ra majal-ti al ngá, kdɔtalə ko né lə Lubə tɔ mɛɛ-é-ti adi ɛ à kisi ká ra majal-ti al, kdɔtalə Lubə oji-é ngá.

¹⁰ Né kí toji kí ngan lə Lubə 'to gay kɔ ngan lə Sú ɛn: Dow kí rá-rá kí isi ká ra né-ti kí njururu al lé, to dow lə Lubə al rəm, bá dow kí ndigi ngonkɔ-é al kàrè to dow lə Lubə al rəm tɔ.

Ta kí dɔ ndigi-nɔ-ti

¹¹ †Ta kí ooi lo kulə gin-é-ti nɔ* lé ɛn: J'ndigi-nɔ.

¹² Adi j'ndaji kullə ra Kayin kí to dow lə Njèmɛɛndul kin al; ndɔki Kayin lé tɔl ngonkɔ-é. Ə kdɔ ri bá tɔl-é-né wa? Tɔl-é kdɔtalə kullə ra-é majal ə 'lə ngonkɔ-é lé bá tɔ njururu†.

¹³ Ngankɔ-m-je kí njékadmɛɛ, kinə dow-je kí dɔnangi-ti nè d'osi-si kɔ ta rəmə, adi ra-si bəl al.

¹⁴ †Jɔi lé, ndigi kí j'ndigi ngankɔ-ji-je kí njékadmɛɛ-je kinlé bá toji adi j'gɔi kí j'indɔi dan

† **3:11 3:11** Jà 13:34 * **3:11 3:11** Ta kinlé sobi dɔ kulə gin kadmɛɛ lə-dé. † **3:12 3:12** Kgn 4:1-8 † **3:14 3:14** Jà 5:24

koy j'gangi j'teei kiskəm-ti. Dow kí ndigi dow-je al lé, to dow kí oy.

¹⁵ Dow kí rá-rá kí ɔsi ta ngonkɔ-é lé, to njètɔl dow-je ə səi 'gəi kí dow kí njètɔl dow-je lé, kiskəm kí sartagangi goto rɔ-é-ti.

¹⁶ Ndigi dow-je lé, né kí j'gəi-né ɛn: Kristi adi rɔ-é koy kɔɔ ta lə-ji. Jəi kàrè tò kadi j'adi rɔ-ji koy kɔɔ ngankɔ-ji-je tɔ.

¹⁷ Kinə dow ɔw kì nékingə kí dɔnangi-ti nè, ə oo ngonkɔ-é kí ndoo né ra-é ya rəmə oo kəmtɔndoo liə al lé, dowbé à panè Lubə ində ndigi dow-je mɛɛ-n'è-ti tɔ ban wa?

¹⁸ Ngan-m-je, adi j'ndigi-nə kì ta kí ta-ji-ti əse kì ndaá ta-ji par al, ngà j'rai kì nə kì né kí ji-ji-ti kì kəm rəbi ta kí tɔgrɔ-ti.

Ta kí dɔ mɛɛ kí nda kay nɔ Lubə-ti

¹⁹ Beβa j'a gəi-né kí j'toi dow-je kí njékun go ta kí tɔgrɔ-ti rəm, bá mɛɛ-ji à kusi-né nangi pɔ nɔ-é-ti rəm tɔ.

²⁰ Ə lé mɛɛ-ji uwə-ji kì ta kì kəm rəbi kì ban-ban ya kàrè, Lubə to 'boy itə mɛɛ-ji rəm, ɛ gə né-je lay rəm.

²¹ Səi kí m'ində-si dan kəm-m-ti lé, kinə mɛɛ-ji uwə-ji kì ta al rəmə, mɛɛ-ji nda kay nɔ Lubə-ti.

²² Ri-ri ya bá j'dəji-é kàrè, à kadi-ji, kɔɔ j'təli rɔ-ji go ndukun-je-ti liə rəm, j'rai né kí nəl-é rəm.

²³ †Ooi, ndukun liə ɛn: Kadi j'adi mɛɛ-ji Ngon-é Jeju Kristi rəm, kadi j'ndigi-nə titi kí un-né ndu adi-ji lé rəm tɔ.

† 3:23 3:23 Ja 13:34; 15:12,17

24 Dow kí təl rɔ-é go ndukun-je-ti lə Lubə lé, to dow kí nam kàdì Lubə-ti rəm, Lubə isi mɛɛ-é-ti rəm. Ə kì takul Ndil kí aa njay kí Lubə adi-é isi mɛɛ-ji-ti bá j'gəi-né kí Lubə isi mɛɛ-ji-ti tɔ.

4

Ta kí sɔbi dɔ njéndó dow-je né-je kì ngɔm

1 Səi kí m'ində-si dan kəm-m-ti, dow-je lay kí 'pa ta 'ba-né ri Ndil kí aa njay lé adi-dé mɛɛ-si dɔrɔ al; ngà 'nəi-dé ooi, kdɔ kadì 'gəi dɛ kí 'to 'lə Lubə. Kdɔtalə njékədtə-je kí njéba rɔ-dé njépata-je kí ta Lubə-ti 'nɔ dɔnangi-ti nè.

2 Né kí a gəi-né Ndil kí to Ndil lə Lubə ɛn: Dow kí pa ta rəsi panè: Jeju Kristi lé ree təl rɔ-é dow-ti rəmə, to dow lə Lubə;

3 ə dow kí pa ta lə Jeju ndaa-ti rəsi al lé, to dow lə Lubə al; dowbé kinlé to dow lə njəkosi ta Kristi kí ooi ta ree-é lé; ə bone bè ya kàrè ɛ ɔ dɔnangi-ti nè ngá rəm.

4 Səi ngan-m-je, səi lé, 'toi dow-je lə Lubə ə njékədtə-je kí njéba rɔ-dé njépata-je kí ta Lubə-ti lé, səi 'təti-dé rɔ, kdɔtalə njəkisi mɛɛ-si-ti to kí boy nɔ itə njəkisi mɛɛ dow-je-ti kí dɔnangi-ti nè.

5 Dɛ lé, 'to dow-je kí dɔnangi-ti nè; gin-é kin bá tapa-dé to-né tapa dow-je kí dɔnangi-ti nè, ə dow-je kí dɔnangi-ti d'oo ta lə-dé.

6 Ngà jəi j'toi dow-je lə Lubə; dow kí gə Lubə ə oo ta lə-ji; dow kí to dow lə Lubə al rəmə oo ta lə-ji al tɔ; Gangi-é kin bá j'gəi kəri-né rəbi nin Ndil kí njəta kí tɔgrɔ-ti kì ndil kí ngɔm.

Lubə to njèndigi dow-je

⁷ Səi kí m'ində-si dan kəm-m-ti, adi j'ndigi-na;
kdoƿtalə ndignə lé to né kí j̄ rə Lubə-ti,
ə dow kí rá-rá kí ndigi dow-je lé, to dow kí Lubə
oji-é rəm, bá gə Lubə rəm.

⁸ Lubə lé, to njəndigi dow-je,
adi dow kí ndigi dow-je al lé, gə Lubə al.

⁹ Ooi, kəm rəbi kí Lubə toji-né ndaa-ti rəsi kí
n'ndigi-ji ɛn:

Lubə ulə Ngon kəl liə dɔnangi-ti nè kdo kadi j'isi
kəm k̄ takul-é.

¹⁰ Ə ndigi kí Lubə ndigi-ji kinlé né kí toji ɛn:

To j̄əi bá j'ndigi-é kete al,

ngà to Lubə ya ndigi-ji bá ulə Ngon-é kí kadkare
adi ree oy kdo majal-je lə-ji.

¹¹ Səi kí m'ində-si dan kəm-m-ti, kinə Lubə ndigi-
ji bore bè lé, j̄əi kàrè j'a ndigi-na to.

¹² †Dow kí oo Lubə ya goto; kinə j'ndigi-na rəmə,
Lubə isi m̄eɣ-ji-ti ə ndigi kí ɛ ndigi-ji lé toji rə-é
ndaa-ti rəsi.

¹³ Ə né kí j'gəi-né kí j'nami kàd̄i Lubə-ti rəm,
Lubə isi-né m̄eɣ-ji-ti rəm lé, to ta lə Ndil-é kí adi-
é isi m̄eɣ-ji-ti.

¹⁴ Bəbi-ji Lubə ulə Ngon-é kadi to Njəkaji dow-je
kí dɔnangi-ti nè, adi j'oo-é k̄ kəm-ji rəm, bá j'pa
ta kí dɔ-é-ti j'adi dow-je rəm to.

¹⁵ Dow kí pa ta rəsi panè: Jeju to Ngon lə Lubə
lé, Lubə isi m̄eɣ dowbé-ti rəm, bá ɛ nam kàd̄i
Lubə-ti rəm to.

¹⁶ J̄əi lé, j'gəi ndigi kí Lubə ndigi-ji, ə j'gəi kí ɛ
ndigi-ji ya togrɔ-ti.

† 4:12 4:12 Ja 1:18

Lubə to njèndigi dow-je; dow kí ndigi dow-je tò mɛɛ-é-ti lé, to dow kí nam kàdì Lubə-ti ə Lubə isi mɛɛ-é-ti tɔ.

¹⁷ Ooi, né kí mɛɛ-ji à nda-né kay ndɔ gangta-ti lé, to ndigna kí dan-ji-ti kí ɔr njuti; kdɔtalə gangi-é kí ndɔki Kristi isi-né dɔnangi-ti nè lé ya jɛ j'isi-né tɔ.

¹⁸ Ndigna lé, bəl goto-ti; kdɔ ndigna kí ɔr njuti ɔr bəl mɛɛ dow-ti kɔgi. Kdɔtalə bəl tɔji kində kɔji kí à ree, ə dow kí bəl lé, ndigi dow-je kí tò mɛɛ-é-ti ɔr njuti al.

¹⁹ Jəi rəmə, jəi j'ndigi dow-je, kdɔtalə Lubə ya ndigi-ji dɔsɔy.

²⁰ Kinə dow panè n'ndigi Lubə ya rəmə ɔsi ta ngonkɔ-é lé, to njəkəɔta. Kdɔtalə ngonkɔ-é kí ɛ oo-é bəy é ndigi-é al lé, à ndigi Lubə kí ɛ oo-é al kin ban wa?

²¹ Ə Kristi ya adi-ji ndukun panè: Dow kí ndigi Lubə rəmə, à ndigi ngonkɔ-é tɔ.

5

Ta kí ɔbi dɔ kadmɛɛ, kə kullə ra kadmɛɛ

¹ Dow kí rá-rá kí adi mɛɛ-é kí Jeju to Kristi* lé, to dow kí Lubə oji-é, ə dow kí ndigi bɔbi ngon rəmə, ndigi ngon-é tɔ.

² Né kí j'a gəi-né kí j'ndigi ngan lə Lubə lé, to ndigi kí j'ndigi Lubə rəm, təl kí j'təli rɔ-ji go ndukun-je-ti liə rəm.

³ †Kdɔtalə ndigi Lubə lé, to təl rɔ go ndukun-je-ti liə. Ə ndukun-je liə lé, ɔy al,

* **5:1 5:1 Kristi** lé kɔr mɛɛ-é to dow kí Lubə mbəti-é. † **5:3 5:3** Ja 14:15

⁴ kdotalə dow-je lay kí Lubə oji-dé lé, 'təti rɔ duniŋa ə né kí njètətrɔ duniŋa lé to kadmɛɛ lə-ji.

⁵ Dow kí njètəti rɔ duniŋa lé to ná wa? To dow kí adi mɛɛ-é kí Jeju to Ngon lə Lubə ya al wa?

⁶ To Jeju Kristi kí ree kɪ man rəm, kɪ məsi rəm; ɛ ree kɪ man par al, ngà ree kɪ man† rəm, kɪ məsi rəm; ə Ndil kí aa njay ya pa ta kí dɔ-ti, kdotalə Ndil kí aa njay ya kɪ dɔ-é to ta kí tɔgrɔ-ti.

⁷ Bəba né-je mutə [dɔrɑ-ti 'pa ta dɔ-ti adi to: Lubə kí Bɔbi rəm, Ta rəm, bá Ndil kí aa njay rəm. Ə né-je kí mutə kinlé 'to né kí káre-rè.

⁸ Né-je mutə dɔnangi-ti nè 'pa ta dɔ-ti tɔ] adi to: Ndil kí aa njay rəm, man rəm, bá məsi rəm]‡, ə dɛ mutə lay ta-dé asi-nə.

⁹ Kinə j'ooi ta lə dow-je j'adi to ta kí tɔgrɔ-ti rəmə, ta lə Lubə to kí boy nə itə ta lə dow-je. Kdotalə to Lubə ya é pa ta kí sobi dɔ Ngon-é adi dow-je.

¹⁰ Dow kí adi mɛɛ-é Ngon lə Lubə lé, ta lə Lubə kinlé tɔ mɛɛ-é-ti; ə dow kí adi mɛɛ-é Lubə al lé, ɛ ba Lubə njəkəda, kdotalə ta kí Lubə pa dɔ Ngon-é-ti lé, dowbé oo kɪ ta kí tɔgrɔ-ti al.

¹¹ †Ooi, ta kí 'pa sobi dɔ Ngon lé ban: Lubə adi-ji kiskəm kí sartagangi ə kiskəm kinlé i rɔ Ngon-é-ti.

¹² Dow kí adi mɛɛ-é Ngon lə Lubə rəmə isi kəm; ngà dow kí adi mɛɛ-é Ngon lə Lubə al lé,

† 5:6 5:6 Ta lə **man** kinlé toji batəm kí Jeju ra ə ta lə **məsi** toji koy-é to. ‡ 5:8 5:8 Ta-je kí tɔ mbunə né-ti kinlé [...] goto mɛɛ mbete-je-ti kí dɔsɔy kí dan-ti-je kí 'ndangi kɪ ji-dé kɪ ta greki.

† 5:11 5:11 Jà 3:36

isi kəm al.

¹³ M'ndàngi ta-je kinlé m'adi-si, kɔɔ kadi 'gəi kí, səi kí adi mɛɛ-si Ngon læ Lubə lé, isi kəm sartagangi.

¹⁴ Ooi, né kí mɛɛ-ji nda-né kay rɔ Lubə-ti ɛn: Kinə j'dəji-é né kí ɔw nati kɪ mɛɛndigi liə lé, ɛ oo ndi-ji.

¹⁵ Ə kinə j'gəi kí ɛ oo ndi-ji rəmə, lé to ri-ri ya bá j'dəji-é kàrè, j'gəi kí j'ingəi né-é ngá.†

¹⁶ Kinə dow oo kí ngonkɔ-é ra majal kí à tɛɛ koy al rəmə, kadi dowbé pa ta kɪ Lubə kɔɔ ngonkɔ-é lé, ə Lubə à kaji-é; to ta kí sɔbi dɔ dow-je kí 'ra majal kí à tɛɛ koy al. Majal kí à tɛɛ koy tò nɔɔ; ə to majal-é kin bá m'panè 'pai ta kɪ Lubə kɔɔ al.

¹⁷ Néra kí njururu al lay ya to majal, ngà majal-je madi bá tɛɛ koy al.

¹⁸ Jəi j'gəi kí dow kí rá-rá kí Lubə oji-é lé à kisi ká ra majal-ti al; kɔɔ Ngon læ Lubə isi ngəm-é adi Njèmɛɛndul à kɔɔ rɔ-é al.

¹⁹ Jəi j'gəi kí j'toi dow-je læ Lubə rəm, bá j'gəi kí dɔnangi lay tò gin tɔgi-ti læ njèmɛɛndul rəm tɔ.

²⁰ Jəi j'gəi bəy kí Ngon læ Lubə ree ə adi-ji négə kɔɔ kadi j'gəi-né Lubə kí tɔgrɔ-ti; ə jəi j'toi dow-je læ Lubə kí tɔgrɔ-ti kɔɔ nam kí j'nami kàdɪ Ngon-é Jeju Kristi-ti. Ngon læ Lubə kinlé to Lubə kí tɔgrɔ-ti rəm, bá to kiskəm kí sartagangi rəm tɔ.

²¹ Səi ngan-m-je, ooi go rɔ-si maji dɔ magi-je-ti.

† 5:15 5:15 Jkr 1:5-7

Mango
Mango: Ta lə Lubə Kunmindi kí Sigi (New
Testament)

copyright © 2018 Wycliffe Bible Translators, Inc.

Language: Mango

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 May 2025 from source
files dated 13 May 2025

96bdbd07-24d6-556c-9e7c-7269c72880cd